

禮記

禮記卷第九

玉藻第十三

禮記

鄭氏注

天子玉^瑒藻十有二旒前後

邃延龍卷以祭玄端而朝

日於東門之外聽朔於南
門之外閏月則闔門左扉
立于其中皮弁以日視朝
遂以食日中而餽奏而食
日少牢朔月大牢五飲上
水漿酒醴酏卒食玄端而

居動則左史書之言則右
史書之御鼓瞽幾聲耳之上下
年不順成則天子素服乘
素車食無樂諸侯玄端以
祭裨冕以朝皮弁以聽朔
於大廟朝服以日視朝於

內朝朝辨色始入君日出
而視之退適路寢聽政使
人視大夫大夫退然後適
小寢釋服又朝服以食特
牲三俎祭肺夕深衣祭牢
肉朔月少牢五俎四簋子

卯稷食菜羔美夫人與君同
庖君無故不殺牛大夫無
故不殺羊士無故不殺犬
豕君子遠庖廚凡有血氣
之類弗身踐也至于八月
不雨君不舉年不順成君

衣布摺本關梁不租山澤
列而不賦土功不興大夫
不得造車馬卜人定龜史
定墨君定體君羔臂市虎植
大夫齊車鹿臂市豹植朝車
士齊車鹿臂市豹植君子之

居恒當戶寢恒東首若有
疾風迅雷甚匹雨則必變雖
夜必興衣服冠而坐日五
盥沐稷而醑梁櫛用櫛櫛
髮晞用象櫛進襪進羞工
乃升歌浴用二巾上絺下

綌出紵履蒯席連用湯履
蒲席衣布晞身乃屨進飲
將適公所宿齋戒居外寢
沐浴史進象笏書思對命
旣服習容觀玉聲耳乃出揖
私朝輝如也登車則有光

矣天子搢珽方正於天下
也諸侯荼前誑後直讓於
天子也大夫前誑後誑無
所不讓也侍坐則必退席
不退則必引而去君之黨
登席不由前爲躡席徒坐

不盡席尺讀書食則齊豆
去席尺若賜之食而君客
之則命之祭然後祭先飯
辯嘗羞飲而俟若有嘗羞
者則俟君之食然後食飯
飲而俟君命之羞羞近者

命之品嘗之然後唯所欲
凡嘗遠食必順近食君未
覆手不敢飡君既食又飯
飡飯飡者三飯也君既徹
執飯與將酒乃出授從者凡
侑食不盡食食於人不飽

唯水將水不祭若祭爲已係
卑君若賜之爵則越席再
拜稽首受登席祭之飲卒
爵而俟君卒爵然後授虛
爵君子之飲酒也受一爵
而色洒如也二爵而言言

斯禮已三爵而油油以退
退則坐取屨隱辟而后屨
坐左納右坐右納左凡尊
必上玄酒唯君面尊唯饗食
野人皆酒大夫側尊用枌
士側尊用禁始冠緇布冠

自諸侯下達冠而敝之可也
也玄冠朱組纓天子之冠也
也緇布冠績綌諸侯之冠也
也玄冠丹組纓諸侯之齊冠也
也玄冠綦組纓士之齊冠也
也縞冠玄武子姓之冠

也縞冠素紕旣祥之冠也
垂綏五寸惰游之士也玄
冠縞武不齒之服也居冠
屬武自天子下達有事然
後綏五十不散送親沒不
髡大帛不綏玄冠紫綏自

禮言
卷之
一百八十五
魯桓公始也朝玄端夕深
衣深夜三祛縫齊倍要衽
當旁袂可以回肘長中繼
揜尺袷二寸祛尺二寸緣
廣寸半以帛裏布非禮也
士不衣織無君者不貳采